

ALLAH KOUN HAI?

Disclaimer:

Arshad Basheer madani ke urdu books ko Roman English mai lane wale ahabab Mubarakbadi ke mustahiq hai ke unoun ne asan kia urdu reading Na janne Waloun ke liye

الحمد لله

فجزاكم الله خيرا

Note : arshad basheer madani ne Word to Word check nahi kia Kiunke bohot books ko roman Kia gaya un sab ko Check karna asan nahi, time ka commitment deegar Urdu books Aur syllabus par laga huva hai is liye badi mazirat ke sat arz hai ke jahan kahin apko pronounciation ya talaffuz mai Diqqat lage Urdu Janne Waloun se asal Kitab ki taraf rujoo farmaen in sha Allaah in sha Allaaah

Askislampedia ki Team ka shukriya ke Roman mai book lane mai madad faramee

Khas tour se

Riaz bhai , shaikh abdullah Umeri, faheem iqbal , Mushtaq ahmed Aur baz sisters bhi hain jo madad kie Aur kuch brothers bhi madad kie Likin ijazat nahi hai ke unka naam zikr Kia jae Allaah qabool farmae sab ki mahant

Ameen

Shukriya

Shoba e nashro ishaat,

Askislampedia

Ham mukhtalif logo se sunte hai jo Allah Taalaa ka taarruf unki apni aqal va samajh ke mutaabiq karte hai. Aur baaz unhe nazriyaat aur ifkaar se mutaassir ho jaate hai. Allah Taalaa ke taarruf ko samajne aur uske mutaalliq ilm haasil karne ka sab se behatareen zariya khud Allahu Rabbul Aalameen, Quran Majeed aur Rasoolullah fdfa ka Allah Taalaa ke mutalliq taarruf karvaana hai, jaise sahaaba Raziallahuanhum ke faham ke mutaabiq samajhna chahiye.

Allah Taala jo is kaayinaat ka khaliq, maalik aur mudabbir hai, Quran ko naazil farmaaya taake ham apni zindagi ko baa maani banaye aur aakhirat me kaamyaab ho, agar ham Quram Majeed par khule dil aur dimaagh se ghour karenge to hame Allah Taala ka haqeeqi taarruf haasil ho sakega jiske zariye ham Allah Taala ke huqooq ko achche se samajh sakenge aur usi ki qalis bandagi karne me hame madad milegi jaise ki uski ibaadat karne ka haq hai.

Fehrist

- Ism jalaala “Allah” ki laghvi tahaqeeq
- Allah Taala hi Rab hai
- Tawheed Ruboobiyat
- Allah Taala hi sachcha maabood hai
- Tawheed vahabiyat
- Allah Taala ka haq bando par
- Ibaadat kise kahte hai
- Allah Taala apne namo aur sifato me akela hai
- Tawheed Asma va Sifaat
- Allah Taala kaha hai
- Kya Allah sirf musalmano ka mabood hai
- Aur dekhiye
- Havaalaat

Ism jalaala “Allah” ki laghvi tahaqeeq

Ye Allah Taala ka zaati naam hai, jo sirf Allah hi ke liye khaas hai, koyi aur zaat AllahTaala ke alaava is naam se mousoom nahi ho sakti, ye “Allah” se mashtaq hai jiske maani hai “Mabood” ke ya “vo zaat jo ibaadat ki mustahaq hai.” Abdullah bin Abbaas raziallahuanhu farmate hai ke lafz “Allah” ka maani ye hai ke “vo ausaaf kaamila aur sifaat jaamiya ke

maalik zaat jo saari maqloqqat ki ibaadat ki akeli haqdaar aur mustahaq hai." Allah Taala ka ye naam Quran Kareem me sab se zyada istemaal hua hai, taqreeban "2200" martaba, Allah ka mutaraadif lafz kisi bhi zabaan me nahi hai aur naa hi is lafz ka hoo bahoo tarjuma mumkin hai.